

KOMUNA E VUSHTRRISE-OPSTINA VUCITRN

02 Nr. / Br 16411/26

Nr. i fq. / Br. st - 5 -

Data / Datum 21. 04. 2026

VUSHTRRI - VUCITRN

02 Nr. BP 397/26  
DT. 21. 04. 2026

## MEMORANDUM BASHKËPUNIMI

Ndërmjet

Projekti: "E ARDHMJA E SAJ – Fuqizimi i Grave Sipërmarrëse në Kosovë"

i përfaqësuar nga  
Fondacioni për Zhvillim të Qëndrueshëm Ekonomik - PREDA Plus Kosovë  
dhe  
WEntrepreneur

më tutje - Autoriteti Zbatues

dhe

Komuna e Vushtrrisë

më tutje - Komuna Partnere

(më tutje të referuara së bashku si "Palët")

## Hyrje

Projekti: **“E ARDHMJIA E SAJ – Fuqizimi i Grave Sipërmarrëse në Kosovë”** është një projekt i financuar nga Ministria Gjermane për Bashkëpunim Ekonomik dhe Zhvillim (BMZ). Projekti zbatohet nga organizata joqeveritare PREDA Plus, në partneritet me WEntrepreneur dhe me mbështetjen e Arbeiter Samariter Bund (ASB) Köln. Ky bashkëpunim ndërthur ekspertizën lokale me mbështetjen ndërkombëtare për të krijuar ndryshim të qëndrueshëm në ekonominë e grave.

Projekti ka filluar më 1 nëntor 2025 dhe do të zbatohet deri më 31 tetor 2028. Gjatë këtyre 36 muajve, iniciativa do të punojë në mënyrë sistematike për të ndërtuar një ekosistem më gjithëpërfshirës dhe mbështetës për bizneset e udhëhequra nga gratë në gjithë Kosovën.

Projekti synon fuqizimin e grave në Kosovë përmes zhvillimit të aftësive të tyre të biznesit, krijimit të rrjeteve mbështetëse dhe nxitjes së një mjedisi të favorshëm për pjesëmarrjen ekonomike të grave. Projekti fokusohet në planifikim strategjik, ngritje kapacitetesh dhe krijimin e hapësirave të dedikuara ku gratë sipërmarrëse mund të lidhen, të mësojnë dhe të rrisin bizneset e tyre, duke kontribuar kështu në barazinë gjinore dhe zhvillimin e qëndrueshëm ekonomik. Duke adresuar pengesat individuale dhe institucionale, projekti synon të çlirojë potencialin e madh të grave si motorr i rritjes ekonomike.

### Neni 1. Qëllimi

Qëllimi i këtij Memorandumi për Bashkëpunim (MB) është të sigurojë një kornizë për bashkëpunimin e ardhshëm ndërmjet palëve, duke përshkruar përgjegjësitë dhe angazhimin e ndërsjellë për të mirën e një zbatimi të suksesshëm të Projektit.

### Neni 2. Fushat e Bashkëpunimit

Projekti: **“E ARDHMJIA E SAJ”** synon drejtpërdrejt **562** përfitues, përfshirë: gra sipërmarrëse ekzistuese dhe aspiruese, vajza të reja, si dhe përfaqësues nga institucionet qendrore dhe lokale, shoqëria civile dhe shoqatat e biznesit. Projekti do të sigurojë pjesëmarrje gjithëpërfshirëse, me fokus të veçantë tek grupet e marginalizuara, përfshirë gratë nga zonat rurale dhe minoritetet etnike. Kjo qasje shumëpalëshe është thelbësore për ndërtimin e një sistemi mbështetës koheziv dhe të qëndrueshëm.

Projekti bazohet në pesë komponente kryesore që sigurojnë suksesin e tij:

#### Komponenti 1: Bashkëpunimi i palëve të interesit dhe kuadri politik

Ky komponent fokusohet në ngritjen e kapaciteteve të aktorëve kyç për promovimin e ndërmarrësisë së grave. Si i tillë, përfshin krijimin e një Grupi Kombëtar të Koordinimit Strategjik dhe shtatë Grupeve Punuese Rajonale. Këto struktura do të punojnë së bashku për të integruar një “Masë Strategjike për Ndërmarrësinë e Grave” në Planet e Veprimit për Zhvillim Rajonal, duke siguruar që pjesëmarrja

ekonomike e grave të jetë prioritet në nivel politik. Kjo do të krijojë një bazë institucionale afatgjatë për mbështetjen e grave sipërmarrëse edhe pas përfundimit të projektit.

### **Komponenti 2: Ndërtimi i një Ekosistemi Bashkëpunues në të gjithë Kosovën për Gratë Sipërmarrëse**

Ky komponent synon të krijojë dhe forcojë një rrjet të formalizuar kombëtar për gratë ndërmarrëse. Projekti do të mbështesë krijimin e shtatë Degëve Rajonale, duke u ofruar atyre kapacitete operacionale, trajnime dhe dukshmëri. Këto degë do të shërbejnë si qendra të decentralizuara për rrjetëzim, mentorim dhe avokim, duke fuqizuar gratë ndërmarrëse në të gjitha rajonet. Kjo qasje siguron që rrjeti të ndërtohet mbi nevojat reale dhe pronësinë e anëtareve, duke krijuar një sistem mbështetës të fuqishëm dhe të ndërlidhur.

### **Komponenti 3: Aftësimi dhe ofrimi i pajisjeve për 100 biznese të reja në pronësi të grave**

Ky komponent ofron mbështetje gjithëpërfshirëse për gratë që dëshirojnë të fillojnë biznesin e tyre. Përfitueset do të marrin trajnime të personalizuara në planifikim dhe menaxhim biznesi, mentorim dhe pajisje esenciale për zhvillimin e biznesit. Qasja e integruar është dizajnuar për t'u mundësuar të paktën 100 grave të nisin dhe të mbajnë me sukses bizneset e tyre, duke përmirësuar gjendjen socio-ekonomike të familjeve të tyre. Paketat e mbështetjes do të përshtaten sipas ideve individuale të biznesit – nga shërbimet IT deri te rrobaqepësia dhe konsulenca.

### **Komponenti 4: “Bootcamp-i” i Ndërmarrësisë për 350 vajza të reja**

Përmes pesë serive të “bootcamp-eve” hibride (kampeve intensive të ndërmarrësisë) ky komponent do t'u ofrojë 350 vajzave të reja njohuri dhe aftësi thelbësore ndërmarrëse. Programi kombinon punëtori, mësim praktik dhe mentorim nga sipërmarrës të suksesshëm, me synimin për të ndërtuar vetëbesimin dhe për t'u dhënë pjesëmarrëseve mjetet praktike për të eksploruar vetëpunësimin dhe krijimin e bizneseve. Formatu hibrid siguron pjesëmarrje të gjerë, duke lejuar edhe vajzat nga zonat e largëta të përfitojnë plotësisht.

### **Komponenti 5: Fuqizimi i kapaciteteve të partnerëve lokalë të projektit**

Për të siguruar zbatimin e suksesshëm dhe qëndrueshmërinë e projektit, ky komponent fokusohet në forcimin e kapaciteteve teknike dhe strategjike të organizatave partnere lokale. Trajnimet do të përfshijnë fusha si planifikimi strategjik, menaxhimi i rrjeteve, zbatimi i projekteve me ndjeshmëri gjinore dhe avokimi – duke i aftësuar ata të promovojnë dhe mbështesin në mënyrë efektive ndërmarrësinë e grave në Kosovë. Forcimi i këtyre organizatave lokale siguron që ekspertiza dhe mbështetja për gratë sipërmarrëse të mbeten brenda vendit.

### Neni 3. Përgjegjësitë e Autoritetit Zbatues

Në përputhje me komponentët dhe rezultatet e pritshme të përshkruara në Nenin 2, Autoriteti Zbatues do të sigurojë një zbatim të suksesshëm të të gjitha aktiviteteve duke:

- Ofrimin e ndihmës profesionale për përfituesit e Projektit dhe Komunitat Partnerë;
- Aftësimin e përfituesve të Projektit në një nivel të kënaqshëm dhe në përputhje me standardet e parashikuara;
- Zbatimin e praktikave më të mira në zhvillimin e biznesit dhe mbështetjen e bizneseve fillestare;
- Zbatimin, gjatë gjithë kohëzgjatjes së Projektit, të një niveli të lartë transparence dhe paanshmërie.

### Neni 4. Përgjegjësitë e Komunitat Partnerë

Komunitat Partnerë do të sigurojë ekzistencën e një niveli dhe cilësie të mjaftueshme të informacioneve që do t'i ofrohen Autoritetit Zbatues, për nevojat e zbatimit të aktiviteteve të Projektit. Në raste kur paraqitet nevoja, Komunitat Partnerë do të ofrojë personelin e saj në mënyrë që të ndihmojë në zbatim të suksesshëm të aktiviteteve të Projektit.

### Neni 5. Natyra jo-kontraktuale e marrëdhënieve

Palët bien dakord që ky Memorandum përfaqëson mirëkuptimin e ndërsjellë dhe nuk është menduar dhe as nuk do të konsiderohet si kontratë dhe nuk do të krijojë asnjë të drejtë dhe detyrim sipas kontratës. Asgjë që përmbahet këtu nuk do të interpretohet në mënyrë që të përbëjë një partneritet sipërmarrjeje të përbashkët ose një organizatë formale biznesi të çfarëdo lloji ndërmjet Palëve ose në mënyrë që të përbëjë njëra Palë si agjent i tjetrit.

Palët pranojnë që ky Memorandum nuk sjell në asnjë mënyrë ndonjë të drejtë ose leje për t'u përdorur ose për t'u lidhur me pronën intelektuale të secilës Palë.

### Neni 6. Hyrja në fuqi

Ky Memorandum hyn në fuqi, në datën e nënshkrimit dhe zgjat deri më 31. Tetor. 2028, datë kjo që përfaqëson edhe fundin e Projektit.

### Neni 7. Përfundimi

Secila palë mund ta ndërpresë këtë bashkëpunim duke i dhënë palës tjetër, një njoftim tridhjetë (30) ditësh me shkrim. Në rast të ndërprerjes pjesore, njoftimi i tillë do të përcaktojë se cilat fusha të ndihmës janë prekur.

### Neni 8. Gjuha

Ky Memorandum është përgatitur në tri origjinale, një në Gjuhën Angleze dhe dy në Gjuhën Shqipe. Autoriteti Zbatues do të marrë një original në Gjuhën Angleze dhe një në Gjuhën Shqipe ndërsa Komunitat Partnerë do të marrë një original në Gjuhën Shqipe.

### Neni 9. Zgjidhja e mosmarrëveshjeve

Palët bien dakord që çdo mosmarrëveshje, paqartësi ose mospajtim që mund të lindë nga interpretimi ose zbatimi i këtij Memorandumi do të zgjidhet, në radhë të parë, në mënyrë miqësore përmes konsultimeve dhe mirëkuptimit të ndërsjellë.

Në rast se Palët nuk arrijnë një zgjidhje të pranueshme përmes konsultimeve, ato do të vazhdojnë bashkëpunimin me mirëbesim, pa cenuar vazhdimësinë e aktiviteteve të Projektit.

### Neni 10. Ndryshimet dhe amendamentet

Çdo ndryshim, plotësim ose amendament i këtij Memorandumi do të jetë i vlefshëm vetëm nëse bëhet me shkrim dhe nënshkruhet nga të dyja Palët.

Ndryshimet ose amendamentet e miratuara në këtë mënyrë do të bëhen pjesë përbërëse e këtij Memorandumi dhe do të kenë të njëjtën fuqi si dispozitat e tij origjinale.

### Palët Nënshkruese:

#### Në emër të Autoritetit Zbatues:

Emri: Valentin Hoxha

Titulli: Drejtor i Projektit

Nënshkrimi:



21 Prill 2026



Foundation for sustainable economic development  
PREDA Plus

Data: 21 Prill 2026

#### Në emër të Komunës Partnere

Emri: Ferit Idrizi

Titulli: Kryetar

Nënshkrimi:



21 Prill 2026



REPUBLIKA E KOSOVË  
KOMUNA E PRIZRENIT  
REPUBLIKA E KOSOVË  
II  
OPSTINA VEŠTIRN  
REPUBLIKA E KOSOVË

Data: 21 Prill 2026